

Kurs francuskog jezika B2

Objavljeno: 01.09.2022

Prijave moguće ostaviti u periodu: 01.09.2022 - 23.09.2022

Datum održavanja: 12.10.2022 - 31.12.2022

Organizator: Agencija za državnu službu BiH

CILJ OBUKE: Osposobljavanje državnih službenika za uspješno komuniciranje na francuskom jeziku za potrebe rada u državnoj službi. Usvojiti nova znanja i vještine, te ih primjeniti kroz komunikaciju. Osposobiti državne službenike za novi vid komunikacije sa stranim institucijama, omogućiti pristup stranoj literaturi, te razviti nove sposobnosti kod državnih službenika potrebne za aktivno učešće na sastancima sa strancima, na obukama i konferencijama u zemlji i u inostranstvu.

OČEKIVANI ISHODI: Steći nova i poboljšati stara znanja iz francuskog jezika, poboljšati vještine čitanja, pisanja, prevođenja specijalističke literature, te poboljšati nivo sposobnosti komunikacije na francuskom jeziku.

CILJNA GRUPA: svi državni službenici koji imaju potrebu komunicirati na francuskom jeziku u okviru obavljanja radnih zadataka, a čiji je **trenutni nivo znanja francuskog jezika B1**.

Prije održavanja kursa polaznici čije prijave budu prihvaćene će biti testirani online radi utvrđivanja nivoa znanja.

NAČIN ODRŽAVANJA OBUKE: Preko ZOOM aplikacije

POČETAK OBUKE: 19. septembar 2022. godine

ZAVRŠETAK OBUKE: kraj decembra 2022. godine

INFORMACIJE VEZANE ZA TESTIRANJE I ODREĐIVANJE NIVOA

ZNANJA: email cours@institutfrancais.ba ili tel. 033 668 605

USLOVI ZA POLAGANJE ISPITA, CERTIFIKAT I KREDITE: prisustvovanje na najmanje 75% nastave

NIVO B1 prema Evropskom referentnom jezičkom okviru podrazumijeva sljedeće:

Razumijevanje:

Slušanje - Mogu razumjeti glavne misli jasnog standardnog razgovora o poznatim temama s kojima se redovno susrećem na poslu, u školi, u slobodno vrijeme, itd. Mogu razumjeti glavne poruke mnogih radijskih i televizijskih programa o tekućim događajima ili temama od ličnog i profesionalnog interesa ako su iskazane relativno sporo i razgovjetno.

Čitanje - Mogu razumjeti tekstove koji su uglavnom pisani običnim jezikom ili jezikom moje struke. Mogu razumjeti opis događaja, osjećaja i želja u ličnim pismima.

Govor:

Mogu se nositi s većinom situacija koje se mogu pojaviti tokom putovanja kroz područje na kojem se dotični jezik govori. Mogu se bez pripreme uključiti u konverzaciju na teme koje su mi poznate, koje su od ličnog interesa ili se odnose na svakodnevni život (npr. porodica, hobi, posao, putovanja i tekuće događaje). Mogu jednostavno povezivati rečenice kako bih opisao doživljaje i događaje, svoje snove, nade i težnje. Mogu kratko obrazložiti i objasniti svoja stajališta i planove. Mogu ispričati priču ili prepričati sadržaj knjige ili filma, te opisati svoje reakcije.

Pisanje:

Mogu napisati jednostavan vezani tekst na poznatu temu ili temu od ličnog interesa. Mogu napisati lično pismo opisujući svoje doživljaje i dojmove.